



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs  
Police department

Broj: 02 -11-4-7889-10/22  
Datum: 29.12.2022. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22), i preporuke Komisije za sukcesivnu nabavku pogonskog goriva za motorna vozila za potrebe Uprave policije, imenovane Rješenjem broj: 02/5-1-30-1-7693 od 27.10.2022. godine, u postupku javne nabavke pogonskog goriva za motorna vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

## **ODLUKU O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA ZA LOT 4**

### **I**

Prihvata se preporuka Komisije za sukcesivnu nabavku i okvirni sporazum za javnu nabavku pogonskog goriva za motorna vozila za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču:

- Hifa oil d.o.o. Tešanj i to za:
- ✓ LOT 4 - sukcesivna nabavka pogonskog goriva na lokaciji općine Novi Grad za ponuđenu cijenu od 147.958,27 KM bez PDV-a.

### **II**

Postupkom javne nabavke predviđeno je potpisivanje Okvirnog sporazuma na period od 1 (jedne) godine. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

### **III**

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču za Lot 4 Hifa oil d.o.o. Tešanj po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

### **IV**

Izabrani ponuđač za LOT 4 – Hifa oil d.o.o. Tešanj je dužan da u roku od 5 (pet) dana od dana prijema ove odluke dostavi dokumente navedene u tački 12. tenderske dokumentacije, a koja se odnosi na član 45. stav (2) tačka od a) do d).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

### **V**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

## Obrazloženje

Na osnovu Odluke broj: 02-11-4-7889/22 od 04.11.2022. godine i Obavještenja o nabavci broj: 16475-1-1-54-3-99/22 od 07.11.2022. godine, proveden je otvoreni postupak javne nabavke pogonskog goriva za motorna vozila za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-7889/22 od 19.12.2022. godine, za aktivno učešće u postupku za LOT 4 – sukcesivna nabavka pogonskog goriva na lokaciji općine Novi Grad dostavljene su ponude ponuđača Hifa petrol d.o.o. Sarajevo, Bucomerc d.o.o. Kiseljak i Hifa oil d.o.o. Tešanj.

Komisija za sukcesivnu nabavku pogonskog goriva za motorna vozila za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-7889-7/22 od 26.12.2022. godine, kojim je utvrdila da ponude ponuđača Hifa petrol d.o.o. Sarajevo, Bucomerc d.o.o. Kiseljak i Hifa oil d.o.o. Tešanj sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “ekonomski najpovoljnija ponuda” ispunjavaju sve zahtjeve Ugovornog organa.

Komisija je prilikom pregleda i ocjene ponuda utvrdila da su ponuđači Hifa oil d.o.o. Tešanj i Bucomerc d.o.o. Kiseljak za LOT 4 u svojim ponudama naveli manju, odnosno veću cestovnu udaljenost od one koju je provjerom utvrdila Komisija, primjenom uslova postavljenih u tenderskoj dokumentaciji. Kako je u tenderskoj dokumentaciji tražena cestovna udaljenost na relaciji policijska stanica – benzinska pumpa – policijska stanica, poštivajući odredbe **Zakona o osnovama sigurnosti saobraćaja na putevima u BiH (Sl. glasnik BiH br: 6/06, 75/06, 44/07, 84/09, 48/10, 18/13, 8/17, 89/17 i 9/18)**, u zahtjevu se tražilo pojašnjenje da se cestovna udaljenost utvrdi na prethodno opisan način, a u skladu sa definisanim uslovima u tenderskoj dokumentaciji.

Dana 22.12.2022. godine upućen je zahtjev za pojašnjenje priložene dokumentacije u ponudi ponuđača Hifa oil d.o.o. Tešanj broj: 02/6-11-4-7889-5/22 za LOT 4 i u ponudi ponuđača Bucomerc d.o.o. Kiseljak broj: 02/6-11-4-7889-6/22 za LOT 4.

Ponuđači Bucomerc d.o.o. Kiseljak i Hifa oil d.o.o. Tešanj su dostavili odgovor u ostavljenom roku, koji je Komisija procijenila kao zadovoljavajući.

Rang prihvatljivih ponuda prema kriteriju za dodjelu ugovora „ekonomski najpovoljnija ponuda“ na osnovu konačne rang liste ponuđača čije ponude su prihvatljive:

LOT 4			
Naziv ponuđača	Ukupna ponuđena cijena (P) – 90 bodova	Operativni trošak (U) – 10 bodova	Ukupan broj bodova (T) – 100
Hifa oil d.o.o. Tešanj	147.958,27 – 87,50 bodova	900 – 10,00 bodova	97,50 bodova
Hifa petrol d.o.o. Sarajevo	143.849,12 – 90,00 bodova	4.600 – 1,96 bodova	91,96 bodova
Bucomerc d.o.o. Kiseljak	152.298,97 – 85,01 bodova	3.500 – 2,57 bodova	87,58 bodova

Komisija takođe konstatuje da je ponuđena cijena veća od procjenjene vrijednosti nabavke za Lot 4. Međutim, kako je riječ o sukcesivnim isporukama, te će okvirni sporazum biti zaključen na period od 1 godine (2022. – 2023.) u okviru kojeg će se zaključivati pojedinačni ugovori, nabavljane količine predmeta nabavke će biti usklađene sa Budžetskim sredstvima.

Shodno mišljenju AJN BiH broj: 02-02-1-2451-2/22 od 01.11.2022. godine, u kom stoji: „U cilju osiguranja principa zakonitosti i zaštite prava i interesa učesnika postupka javne nabavke ugovorni organ primjenjuje propis koji važi u momentu objave obavještenja o nabavci ili upućivanja zahtjeva za učešće kandidatima za postupke koji nemaju obavještenje o nabavci. Shodno tome, za postupak javne nabavke koji je pokrenut objavom obavještenja o nabavci ili upućivanjem zahtjeva za učešće prije 10.12.2022. godine ugovorni organ primjenjuje odredbe propisa koji je važio u momentu

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: [sektor.matfin@mup.ks.gov.ba](mailto:sektor.matfin@mup.ks.gov.ba)

objave obavještenja o nabavci ili upućivanja zahtjeva za učešće.“, Komisija je ocjenila navedenu ponudu kao prihvatljivu.

Shodno rezultatima pregleda i ocjene ponuda i rang listi prihvatljivih ponuda, Komisija je ocjenila prihvatljivom ponudu ponuđača Hifa oil d.o.o. Tešanj i to za:

- ✓ LOT 4 - sukcesivna nabavka pogonskog goriva na lokaciji općine Novi Grad sa ukupnom cijenom ponude u iznosu od 147.958,27 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14 i 59/22), Zapisnikom o pregledu i ocjeni ponuda riješeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14 i 59/22).

**POLICIJSKI KOMESAR**  
**Generalni inspektor policije**

**Nusret Selimović**

**Dostaviti:**

1. Komisiji za sukcesivnu nabavku pogonskog goriva za motorna vozila
2. Ponuđačima x3
3. Odjeljenju za odnose s javnošću, radi objave na web stranici ovog organa
4. a/a

